

NO. SOALAN: 88

**PEMBERITAHUAN PERTANYAAN BAGI JAWAB LISAN
DEWAN RAKYAT**

PERTANYAAN : LISAN

**DARIPADA : Tuan N. Surendran A/L K. Nagarajan
[Padang Serai]**

TARIKH : 3 OGOS 2017

RUJUKAN : 10024

SOALAN:

Tuan N. Surendran A/L K. Nagarajan [Padang Serai] minta MENTERI DALAM NEGERI menyatakan sama ada Kerajaan bercadang untuk menyediakan kemudahan dan peralatan untuk membuat diagnosis dan rawatan bagi penyakit Tuberculosis (TB) di dalam setiap penjara dan melakukan tapisan (screening) bagi penyakit Tuberculosis (TB) untuk semua banduan baru semasa memasuki penjara.

JAWAPAN:

Tuan Yang Di-Pertua,

Isu penyakit berjangkit termasuk *tuberculosis* sentiasa diambil tindakan serius oleh Jabatan Penjara dan langkah saringan, kawalan, pencegahan dan rawatan giat dilakukan dengan kerjasama Kementerian Kesihatan.

Oleh itu, walaupun klinik di penjara tidak mempunyai peralatan diagnostik untuk *tuberculosis* seperti mana di hospital, bagi kepentingan saringan, pencegahan, kawalan dan rawatan tersebut, beberapa tindakan telah diambil oleh Jabatan Penjara antaranya:

- (i) melaksanakan saringan *symptomatic* terhadap semua banduan yang baru masuk ke penjara dengan merujuk Garis Panduan Saringan Tuberculosis yang dikeluarkan oleh Kementerian Kesihatan;
- (ii) banduan yang dikesan mempunyai simptom *tuberculosis* akan diasingkan dari banduan lain untuk ujian pengesahan di hospital atau klinik di luar penjara;

- (iii) banduan yang disahkan menghidapi *tuberculosis* akan diasingkan dari banduan lain dan diberikan rawatan susulan sehingga sembuh;
- (iv) Jabatan Penjara juga mengeluarkan Prosedur Operasi Standard berhubung pencegahan dan kawalan penyakit berjangkit;
- (v) banduan yang dijangkiti *tuberculosis* serta kakitangan yang mengendalikan banduan *tuberculosis* perlu menggunakan *mask*; dan
- (vi) pendidikan kesihatan serta kaedah kawalan dan pencegahan jangkitan *tuberculosis* diberikan kepada kakitangan.